



«ՀԱՅԵՐԸ՝ ԱՌԱՆՅ ԾԻԱԽՈՏԻ»

ՆՈՐՈՒԹՅՈՒՆՆԵՐ »	ՀՈՂԿԱԾՆԵՐ	ՀԱՐՑԱԶՐՈՒՅՑՆԵՐ	ԱՆՀԱՏՆԵՐ »	ՀԱՅԿԱԿԱՆ ՍՓՅՈՒՌ	ՏՈՆԱՅՈՒԹՅՈՒՆ »	ԱՅԼ »
-----------------	-----------	----------------	------------	-----------------	----------------	-------

27/06/2013 | [Աղյուսակ](#) | [No comments](#)

Դոնի Ռոստովում կրացվի հայազիտական կենտրոն



Դոնի Ռոստովում բացվելու է Հայազիտական կենտրոն՝ ԵՊՀ Հայազիտական հետազոտությունների ինստիտուտի, Դոնի Ռոստովի «Նոր Նախիջևանի հայկական համայնք»-ի և Ռուսաստանի գիտությունների ակադեմիայի մասնաճյուղ հանդիսացող Հարավային գիտական կենտրոնի միջև կնքված պայմանագրի հիման վրա: Գենտրոնի ղեկավարի պարտականությունները իրականացնում է «Նոր Նախիջևանի հայկական համայնք»-ի գործադիր տնօրեն Սերգեյ Մայադովը:

«Մեր նպատակն էր բացել կենտրոն, որը շաղկապված կլինի ԵՊՀ Հայազիտական հետազոտությունների ինստիտուտի, տեղի հայ համայնքի և գործընկեր գիտակրթական հաստատության հետ: Հայազիտական կենտրոնն իրականացնելու է երկու հիմնական գործառնություններ՝ գիտական և կրթական: Կրթական ոլորտում կիրականացնենք մասնագետների վերապատրաստում, կփորձենք ներգրավել տեղի երիտասարդներին կենտրոնի գործունեության մեջ՝ Հայաստանում կրթություն ստանալու հեռանկարով և այլն:

Գիտական գործունեության շրջանակում հայազիտական տարբեր թեմաների ուսումնասիրություններ կիրականացվեն, այդ թվում՝ հայ-ռուսական հարաբերությունների առանցքի շուրջ»,- ասաց ԵՊՀ ՀՀԻ-ի փոխտնօրեն Միեր Հովհաննիսյանը: Նա նշեց, որ կենտրոնի ստեղծման գործում իրենց ջանքերն են ներդրել Դոնի Ռոստովի «Նոր Նախիջևանի հայկական համայնք»-ի նախագահ Արտյոմ Սուրմալյանը, գործադիր տնօրեն Սերգեյ Մայադովը, Հարավային գիտական կենտրոնի ղեկավար, ակադեմիկոս Գենադի Մատիշովը, ինչպես նաև նույն կենտրոնի Սոցիալ-տնտեսական և հումանիտար հետազոտությունների ինստիտուտի փոխտնօրեն Լևոն Բատիկը:

Հովհաննիսյանի նախորդ տարվա՝ Դոնի Ռոստով այցելության ընթացքում կնքվել էր համագործակցության պայմանագիր ԵՊՀ-ի և Հարավային գիտական կենտրոնի միջև, որը թույլ էր տալիս նաև համատեղ գիտակրթական կենտրոն բացել: Այս տարի կնքվեց համագործակցության ևս մեկ պայմանագիր՝ արդեն համայնքի հետ: Արդյունքում հնարավոր եղավ կնքել եռակողմ պայմանագիր Հայազիտական կենտրոնի բացման վերաբերյալ: Միեր Հովհաննիսյանը հավելեց, որ կենտրոնի գործունեության ընթացքը ավելի հստակեցնելու համար հուլիսի սկզբին Նոր Նախիջևանի հայկական համայնքի տնօրեն Սերգեյ Մայադովը այցելելու է Հայաստան: Այցի շրջանակում ԵՊՀ-ում կկայանա նաև www.hayazg.info կայքի շնորհանդեսը, որը հանդիսանում է ռուսալեզու հայազիտական համացանցային ամենամեծ հանրագիտարանը: ԵՊՀ Հայազիտական հետազոտությունների ինստիտուտի ռազմավարության մեջ կարևոր տեղ է հատկացվում նաև արտաքին լսարանի հետ համագործակցությանը: Փոխտնօրեն Միեր Հովհաննիսյանի խոսքով՝ իրենք նպատակ ունեն ոչ միայն աջակցելու արտասահմանի հայազիտական կենտրոններին, այլև նպաստելու հայաշատ համայնքներում հայազիտական կենտրոնների բացմանը:

Սկզբնաղբյուրը՝ <http://www.armin.am/am/news/72#.UclwuyrmT-2g.facebook>